

Innspel til høyring om faste driftstilskot kultur sak 24/20 Utval for oppvekst, kunnskap og kultur.

Det er ei viktig forslag frå den nye kommunen at kulturinstitusjonar kan få høve til å søkja om fast driftstilskot. Tjorehagen søkte om fast driftsstøtte frå Radøy kommune i 2017. Vi fekk innvilga 50.000 kr i året som har vorte utbetalt i 2018 og 2019. Det var og lagt inn i budsjettet for Radøy kommune kr 50.000 pr år i støtte for 2020 og 2021.

For Tjorehagen betyr det svært mykje å få ei driftsstøtte årleg. Det vil gjera det mogeleg å ha innleigde tilsette i sesongen. Det vil og gje oss betre moglegheit for langsiktig planlegging og kommunal støtte kan vere med gjere at ein kan få støtte gjennom andre finansieringsordningar til ulike investeringar.

Stiftinga Tjorehagen er ei ideell stifting om vart oppretta av Olav Tjore i 1997. Oppgåva er ta vare på hagen, den store plantesamlinga og å utvikla den vidare som ein naturhage. Hagen er open for publikum og vert nytta til ulike kulturarrangement.

Stiftinga Tjorehagen har hatt ansvar for å driva hagen sidan 1998, og har no drifta hagen i 22 år. I løpet av den tida har vi tatt i mot ca. 100.000 besøkande og er ein av dei mest besøkte turistattraksjonane i Nordhordland. Hagen er open for publikum kvar dag frå april til september med omvising og kafé etter avtale. Utanom sesongen er hagen open etter avtale.

I år har hagen også vore open frå april slik at folk kan vandra på eigen hand. Under koronakrisen har Tjorehagen vore eit viktig utandørs tilbod. Folk har brukt hagen mykje, her er det god plass og mange har fått eit friskt avbrekk i ei vanskeleg tid.

Hagen har ulike arrangement som Tjorehagens dag, utstillingar, gudsteneste, konsertar m.m. Tjorehagen har i alle år arbeidd aktivt for reiselivsnæringa i regionen og er medlem i Bergen Reiselivslag.

Sidan Stiftinga overtok drifta i 1998 har det vore lagt ned mange tusen timar i frivillig dugnadsarbeid av både Stiftinga og Tjorehagens Venner. Oppgåva til styret i Stiftinga er å sikra hagen for framtida. Hagen er ei heilt unik perle som er kjent langt utanfor Vestland. Utlendingane og folk frå ander landsdelar er overraska og begeistra over at ein kan finne ei slik plantesamling og hage i Norge.

Vi håpar kommunen kan vera med å bidra med å sikra hagen for framtida.
For meir info om hagen sjå www.tjorehagen.no

Vennleg helsing Styret i Stiftinga Tjorehagen

Torhild Kvingedal (sign)

Bjørn Moe

Gunnbjørg Øyre

Kari Evensen Natland

John Petter Havnerås